



Iran den sensaksemtsü US-i mulunga lir: Marco Rubio



Mexico goalkeeper Guillermo Ochoa asaya nungi anisüngzüker

MP Supongmeren-i Tuli tashi passenger train service tenzüکشitsü nenshir

Dimapur, July 22, 2026 (TYO): Nagaland nungi MP S. Supongmeren Jamir Lok Sabha nung Tuli tashi passenger train services tenzüکشitsü nenshiogo.

Lok Sabha nung Rule 377 kübok MP Supongmeren-i iba onük benoka jembi aser Ministry of Railways dang iba railway asentenshia lapoktsü ayongzüker.

1990s nungi Tuli railway line ya metre gauge liasü aser 2000 nung broad gauge jenjangi ajungket. 2007 nung Tuli aser Mariani tsüngda passenger trial run takok ngua agiogo ta pai ashi.

Ajisüaka infrastructure renema liaka passenger service metenzük. Anungji sorkari Dimapur aser Tuli tsüngda parcel van ka dena passenger train services tenzüکشitsü mepishir. Iba ajanga anogoshi senzäsenbonger, shishilembar, kaketshir aser public ajangzüksü

ta MP Supongmeren-isa mepishia metetdaksü.

Guwahati nungi Tuli tashi broad gauge train services atsülangtsüla kechiyong iba ajanga Nagaland aser Upper Assam nung alirtem asoshi connectivity tajungba akümtsü ta paisa ashi.

Amguri aser Tuli tsüngda tang aliba goods train service ajanga revenue tajung bentsür arur aser taoba financial year nung Rs 30 crore jungnüa aazükoo. Iba ajanga iba train lenmang nung commercial viability aser operational feasibility aliba sayur ta Supongmeren-isa Lok Sabha nung metetdaksü.

Ministry of Railways dang iba mapatong nung public-i akokba tashi yariteptsü nangzüker aser sorkar dang tekara nung Tuli tashi passenger train services tenzüکشitsü ayongzüker ta paisa shisem.

Nagaland nung MDoNER kübok inyakba mapatongtem meyipa reprangshi

Dimapur, July 22, 2026 (TYO): Principal Secretary & Development Commissioner, Y. Kikheto Sema, IAS-i department balala den Ministry of Development of North Eastern Region (MDoNER) kübok inyakba mapatongtem meyipa reprangogo.

July 22, 2026 nü Development Commissioner indang Conference Room, Nagaland Civil Secretariat nung iba senden amen.

MDoNER aer NEC nungi Nagaland nung mapatong balala inyaktsü atema senotsü teyari aika angur saka maparen balala inyaba nung temulung masür ta Kikheto Sema-i ashi.

Mapatong aika kuli tejanga melii mapang atsülanger aser iba ajanga senotsü teimba endoktsüsa akümer aser mapang shitak nung public nem tajangzüker magütsür. MDoNER aer NEC-ia department aikati mapa shitak meinyakba indang tebilemtsü lemsatepogo ta pai ashi.

State sorkari Sustainable Development Goals (SDGs) atongtsü atema temulung agütsütsü aser Nagaland nung SDG indicators tajungba akümtsü atema department ajaki külemi yariteptsü ayongzüker ta paisa shisem.

District kar nung maparen tejakleni odor saka meputep lir anungji department temi terenlok nung temulung agüja planning aser implementation asütsüla ta Sema-isa ayongzüker.

"India sorkari mapatong aika atema senotsü agütsüogo saka department aikati sen shitak mamshir aser Central Nodal Account (CNA) nungi sen agizüktsü aser amshitsü

atema reminders maneni angur" ta Development Commissioner-isa metetdaksü.

Department temi mapatongtem shitak meinyak tashi, Utilisation Certificates (UCs) aser mapang shitak nung project completion reports magütsü tashi Nagaland nung mapatong tasentem inyaktsü atema temelaba mangutsü akok kechiyong MDoNER aser NEC-i tang teinyakdak mapatongtem nung ajemdaker ang mapatong tasentem agizüker ta paisa ashi.

"Planning & Transformation Department-i Calendar of Action for 2026-27 agütsüogo saka department aikati proposals magütsü lir. Anungji department ajaki calendar sülen anidaksü aser financial year tembangba khuret majurudaksütsü tetuyuba agütsür" ta Development Commissioner-isa metetdaksüogo.

Tesüiba kümtem Nagaland sorkari India sorkar nem Rs 32 crores meyipa agütsüogo aser iba ya mapang menuba, senotsü mamshiba aser mapatong inyakba nung metokmeperi balala ajuruba ajanga liasü ta paisa ashi.

State sorkari mapa shitak meinyakba departments, contractors aser firms nem temersnhi agütsütsüsa akümtsü ta Development Commissioner Sema-isa metetdaksüogo.

Department ajaki MDoNER, NEC, External Aided Projects (EAP) aser State Plan kübok mapatongtem jungjunga asadanga yanglutsü aser inyaktsü tetuyuba agütsür ta Development Commissioner-isa metetdaksü.

CJP-i onük 3 nenshir; Wangchuk-i sorkar nungi tenangzükerba aginür



July 22, 2026 nü climate activist Sonam Wangchuk-i Medanta Hospital nungi video ka ajanga Centre sorkar dang nungi tenangzükerba ka meshiogo.

New Delhi, July 22, 2026 (Agencies): Cockroach Janta Party (CJP)-i lungkak aitba anentsü atema onük asem takhangba nenshiogo aser onüktemji Union Education minister Dharmendra Pradhan mapa nungi anentsü, pei sasa soseta asüba kaketshir kibong shia nem Rs 1 crore teyari agütsütsü aser timi lungkak aitertem anema ozüng kübok mapa kecha meinyaktsü lir.

"Centre sorkari NEET paper leak atema mapa shitak inyaker ta sayutsü atema Union Education Minister Dharmendra Pradhan mapa nungi anentsü shisadangtsü nangzüker" ta climate activist Sonam Wangchuk-i Bodbarnü ashi.

"Lanur lungkak aitertemi iba movement nung shilem agiba atema punitive mesüra retaliatory legal action kecha magütsü ta sorkar dang nungi tenangzükerba ka ni meshir. Parnoki aibelenbaji tim aser tashishitsü maliba education system ka meshia ola adokba dang lir" ta Wangchuk-i ashi.

Külen, Delhi High Court-i Centre aser Delhi Police dang nungi tashiyim amshiba ken o atema telangzüba meshiogo aser iba ken o September 11 nung angadangtsü lemtetogo.

CJP-i Bodbarnü 'neutral location' ka nung sorkar den olemteptsü renema lir ta metetdaksüogo. "Parnoki onok jaokogo. Onoki parnok

office mesüra kidangi maotsü. Jantar Mantar mesüra neutral location ka nung olemteptsü. Onoki tetenzük anogo ka nungi olemteptsü mulunga dang lir" ta CJP spokesperson Saurav Das-i ashi.

Minister temi Jantar Mantar semdangra "security issue" ka alitsü. Onok Constitution Club of India nunga ajuruteptsü akok ta paisa ashi.

Opposition MP teshimtet telok kati Bodbarnü Medanta Hospital semdang aser activist Sonam Wangchuk dang lumia lungkak aitba anentsü ayongzüker.

CJP aser parnok founder Abhijeet Dipke nungeria climate activist Wangchuk dang lumia lungkak aitba ayongzüker. Parnokisa takhangba onüktem mapa kuma meinyak tashi movement manentsü shiogo.

Bodbarnüa Jantar Mantar nung lungkak aiter meyrjang aika adenshiogo ta CJP-isa metetdaksü.

"Sorkari akhangba ama meinyakra nisung million talila arutsü" ta CJP spokesperson Ashutosh Ranka-i Bodbarnü ashi.

Külen Ministry of Home Affairs-i CRPF company 20 talila Delhi-i anir aruogo. CRPF company tem ya West Bengal nungi anir aruba lir.

AOT & NSEDM na senteper skill development sentong ka katsü



Ao Officers Telungjem ketdangsürtem den sentong nung tongti shilem agirtem külemi tangokba noksa nung angur.

Mokokchung, 22nd July (TYO): Nagaland Skill & Entrepreneurship Development Mission (NSEDM), Government of Nagaland den külem sür Ao Officers' Telungjem (AOT)-i "skill development" onük dak sentakba nung angazükshiba sentong ka "ne sempet metetang. Ne maongkatem metetang" ta asüba omen dak rangloker yangi Mokokchung town hall nung ayonga kaogo. Iba sentong nung tejangrar parnok 150 shi arua shilem agia aden.

Iba sentong ya tongtibangsa tanü asen state nung lanurtem mapa manguba tebilemtsü ya ulura. Tanü tulu zünger-a mapa mangur, süra mezünger/züngtur

alirtema aika lir, parnokji kolen aotsü? Anungji, tanü putu nung skill development ji asenok asoshi kanga nüngdak aser iba ajanga tejangrar lanur karbo pei sempet meteta tagütsü lenmang kar pateta yoktsü nükjidong yur iba sentong akatsü AOT sabang nung lemteta liasü, ta Jt. Comm. (Taxes) & Vice President AOT, Imosong Imsong-i metetdaksü.

Tanü Nagaland nung lanur jenjangji asadangra rakzükratema aser meshimetsüa chiajema alir telok ka lir, tanabuba telok kaji mozümera mesüra temesepba chiyungtsü balala chiajemer azümesena alirtem lir aser tasembuba telokji peiibo kecha meinyaktet sür tsüraburi bener

aruba chiajemer mobile dang repranga kazürtema lir, saka iba yagi asenok talangka moutettsü, ta pai Naga lanur tia indang kar lemsatep.

Asen lima ya Tsüngremi ali tajung/tomo moaja lir, anungji, asenok ya tachir/tagir (consumer) ka dangbo masü saka tayanglur/züsenteter (producer) kaka akümtsü nükla tulu yur mapa meranga inyaktsü merangtsüla, ta ashi. Tanü tagütsü meteta (yakyaka) alir atemabo pei sempet agi pei tepok sünga litettsüsa maongka aika lir, anungji, longben tesepe yir kazür amato masü tamai adoka pei sempet amshitsü paisa ayongzüker.

(Maneni tapak 2 nung...)

Mokokchung nung co-ordination senden ka menogo



DC Mokokchung, Ajit Kumar Verma, IAS lenisüba nung District Level Co-ordination senden DC Conference Hall, Mokokchung nung amenba mapang tangokba noksa nung angur.

Dimapur, Chiteni/July 22 (TYO): Anogo ishika tzunglu kanga aruba ajanga Mokokchung district kübok tesem balala nung lendong balala atalokba indang sensak asemtsü atema Mokokchung Deputy Commissioner, Ajit Kumar Verma, IAS-i ayongzüka July 21 nü DC conference Hall nung District Level Coordination senden ka menogo.

Senden nung Department balala tekolaktem aser lokti tentet balala nungi lenirtemi shilem agia liasü.

Senden nung district kübok tang tatalokba balala indang ken o dak sendaka aliba department temi osang agütsüba lepa repringshiba sülen sensaksema liasü. Senden nung shilem agirtemi tetsükdaktsü balala kokyetyonga aotsü atema teka

amteper inyaktsü, aser lendong mapang telangzüba tajung agütsütsü atema sentong tapet yanglua ayutsü bangjema liasü.

Maneni senden nung tsüngsang mopung tajungba küma maoer asünung lendong balala ataloktsü aliba atema renema atatsü aser mapang shitak nung jenjang tapet agitsü asoshi stakeholder tem ajak angatettepa inyaktsü asoshi sensaksema liasü.

Nagaland nung tsüngsang mopung melenshia aoer

Dimapur, Chiteni/July 22 (TYO): Nagaland kübok district ajak nung tsüngsang mopung balala lir. Tesem kar nung tzunglu kanga peria arur saka kar nungbo tangar den medemdangra kanga ajema arur, aser iba ajanga tsüngsang mopung balala asüba sayur.

Meteorological Report of Nagaland 2025, koba Directorate of Soil and Water Conservation-i sayaogo, iba ajanga state nung tsüngsang mopung melenshiba indang metetdaktsüogo.

Meteorological observatories rongnung Sechü nung küm nung tzunglu timtiba (2,901.2 mm) aru aser Meluri nung ishitiba arua liasü. Tesem ajak rongnung Dimapur tatsüktiba asü aser June aser July ita temperature 34°C tonga tua liasü. Dimapur dak alak tenem nung aliba district tem küm tepeyong mekong mekoka dang liasü.

Taoba kümtem nung ama southwest monsoon ya tzunglu atema primary source liasü aser July nungi September tsüngda district timba nung tzunglu tesashiba aruogo. Bhandari nung tzunglu aruba anogo 99 nung 1,507.2 mm aru aser September ita timtiba

arua liasü. Maneni record balala ajanga taoba küm shika tsüngda tzunglu aruba yimya balala asüba sayuogo aser iba ajanga Nagaland nung tsüngsang mopung melenshiba sayur.

Iba report ajangsa tsüngsang melenshiba ajanga aluyimba, resources, infrastructure aser disaster management dak kongshiba sayuogo. Meteorological data tejangja ajanga aluyimertem metsü jangnatsü aremtsü atema sentong shitak yangluteter, tzümtsüng aser anentsü amala lendong asoshi renema atatsü atema ketdangsürtem nem teyari agütsür aser mapang talangka atema tzu bendena ayuba nung teyari agütsü.

Maneni iba report ajanga state nung tsüngsang mopung dak sendakba lendong balala indang metetdaktsüogo. 2024-25 tsüngda yipur, tzunglu, tzümtsüng aser anentsü aluba amala lendong balala nung nisung asüba, lenmang raksaba, tzu supply nung tetsükdaktsü adokba, kiset shiruru dak kongshiba aser sorkar school aser irrigation infrastructure raksaba mangaoka lir. Item

tatalokbatem ajanga tenüngdakba public infrastructure aser yimda yimtsüngtem nung libaliro lendongbang nung aliba sayur.

Report ajangsa lendong atema renemshia atatsü, jelia t e k ü m d a n g t s ü metetdaktsütsü, tsüngsang mopung balala tizüktüsü infrastructure tem yanglutsü aser sustainable resource management koda tongtibang akümer iba indang sayuogo, kechiyong tsüngsang mopung tamajung ya aiben ajangshia arudar.

Meteorological Report of Nagaland 2025 ya tsüngsang mopung indang statistics bendenba dang masü, iba ajanga tsüngsang mopung melenshia aoba mapang state nung tsüngsang mopung angatettsü koda tongtibang iba indang lepshia metetdaktsür.

Tzülu aruba, temperature melenshiba aser tsüngküm mongpu melenshiyonga aoba mapang meteorological osang ya sentong tapet yanglutsü, tzu mopung wazüka ayutsü aser nüburtem libaliro kümzüka ayutsü atema kanga dang tongtibang hadir ka asütsü.

AOT & NSEDMD na senteper skill...

(TAPAK 1 NUNGI...)

Tajungshi o jembir Mokokchung DC, Ajit Kumar Verma, IAS-i mapang tatsüka agidang, sarkar mapa dak dang nentaker lira asenok tejakleni kodanga maotsü, anungji, asenok asoshi skill development ji kanga tongtibang. Mokokchung district ya tangari mezünpur ta züngshir, asenok dak sempet aser tashi lir, anungji, taoba mapang yangi nungi London Olympic nung India football team aniba den tanüa nübu tajung aika adoka state aser linük balala nung tenzükdaki.

Aji oda, skill & entrepreneurship development wadang nunga asen district ya mezünpur sür tangar dang tatishitsü sayutsü asoshi paiza ayongzüik.

Central aser state sarkari nübur jenjang ajungkettsü asoshi sentong aser mapatong tapu jenti tenzüka inyakdaki, anungji, item maongkatemji asenoki tagi shia agitsü merangtsüla aser mapa kümdaktsütsüla, ta paiza ajungshi. Tanü nisung aika computer training agiba ya sarkar mapa bushitsü atema

dang agiteper, anungji, tenüng agidang masü saka pei sasa mapa kar kümteta/lapoka otettsüsa nükla tulu yur training ji agitsüla ta paiza shisem.

Sentong nung Ms. Meripeni Ngullie, Under Secretary & Project Lead NESDM; Ms. Nukholo Swuro, Mission & Training Coordinator NSEDMD; Mr. Limamatsung & Mr. Akumtemsu, Founder L&A Repair & Services; Kutholuzo Gideo Veswuh, Drone Operator NGIS; parnoki onük balala nung ajemdaker tagitsü o jenti lemsatep.

Longleng DC-i Chopper Service indang metetdaktsü

Dimapur, Chiteni/July 22 (TYO): Longleng Deputy Commissioner, W. Manpai Phom-i sangdong ka ajang, Dimapur nungi Longleng aser Longleng nungi Dimapur tashi Nagaland State Transport (NST) Chopper Service ya Brehostibarnü shia agütsütsü, ta metetdaktsüogo.

Chopper nung senzütsü jangrartemi teküboklen agüja aliba NST ketdangsürtem den tongteprateptettsü, ta kasa

sangdong ajanga metetdaktsüogo. 1. Gideon, Chopper Service i/c Longleng (+919862109481) 2. Robert, Chopper Service i/c Dimapur (+919436073273/+918119962 127) State Helicopter Service Fare Chart: Dimapur - Longleng, Adult: 2925, Infant (0-2 years): 292, Hiring medical evacuation: 50000/ aser Chartered: 200000/.

DDMA Noklak jongdak senden ka menogo



DC Noklak office chamber nung DDMA emergency senden amendang tangokba noksa.

Dimapur, Chiteni/July 22 (TYO): DC & Chairman DDMA, Noklak lenisüba nung July 22 nü District Disaster Management Authority jongdak senden ka DC indang office chamber nung menogo.

Senden nung DC-i züngsemtem ajak pelashishia agizük aser district nung lendong balala ataloker aliba indang metetdaktsü. Pai, line department tem dang district nung tatalokba balala indang osang agütsütsü mepeshiba den nüburtem kümzüka toktsütsü atema angatettepa inyaktsü koda tongtibang iba indang lemsatepa liasü.

District nung tatalokba balala indang sensak asema sülen bangzüng balala yangluogo.

Noklak - Chandang Saddle lenmang indang sensak asema mapang EE PWD(R&B) aser Contractors/ Site incharge nungeri culvert, retaining wall aika raksar aliba aser lenmang nung tesem balala nung anentsüh alur aliba indang metetdaktsü. House, lenmang takaratiba nung yanglushitsü koda tongtibang iba indang sensaksemogo, kechiyong district Headquarter den sendakteptsü asoshi iba lenmang dak alaka tanga lenmang mali. Parnokisa ken o dak sendaka aliba ketdangsürtem dang takaratiba nung jenjang tapet agitsü atema mepeshitsü telemtepa agi.

Kasa mapang nung Noklak - Pangsha lenmang indang jembiba mapang EAC Sadar-i, ayong tzu ajanga lenmang tamajungba küma meraksadaktsütsü atema Shimong ayong nung Culvert yanglushitsü nüngdakba

lemsatep. Iba mapa ketdang asütsü atema EE PWD (R&B), Noklak nem nonglokja liasü.

Maneni Medical Storage indang onük dak sendakba nung CMO, Dist. Hospital, Noklak-i, tenüngdakba mozü aser osettsüset agi anüngba metetdaktsü, aser Kohima nungi tenüngdakba mozü bener arutsü atema gari ka agütsütsü mepeshia liasü. House-i Asst. Commandant of VG, Noklak nungi Mini trucks ka meshitsü bangjem, aser iba mapa atema CMO, DH, Noklak nem mapang nongloksüogo.

Tenüngdakba oset balala supply dak sendakba nung shishilembadak peria aliba osettem indang F&CS Noklak-i osang agütsü. Deputy Commissioner-i department dang osettsüset peria ali mali iba indang osang agia alitsü mepeshia metetdaktsü.

Relief oset balala indang onük benoka jembiba mapang house-i, jongkdak mapang amshitsü atema relief oset tem rizünga yua atatsü koda tongtibang iba indang sensak asem aser iba mapa ya DDMA Noklak-i ketdang asütsü telemtepa agia liasü.

Lein ayong apu dak sendakba nung EE PWD (R&B) Noklak-i, apu ya tzümtsüng agi kanga mejungi raksatsüogo aser yanglushitsü nüngdaker ta ashi. Iba lenmang yagi Panso temeket nung aliba yimtsüngtem district headquarter den sendakteptsür. House-i iba apu ya takaratiba nung yanglushitsü bangjema liasü. Iba mapa ya EE PWD & DDMA Noklak nem nongloksüogo.



TIR YIMYIM YIMOBILEM (EDITORIAL)

DIMAPUR THURSDAY, JULY (CHITENI) 23, 2026

Asen mapa tendangba mapang

Taoba anogo ishika tsüngda tzünglu kanga aruba agi asen lima tesem aika nung tesama aser takoksa lendong jenti atalokogo aser ano tesem aika nung lenmang lendi raksar gari mesenzüteter aser electric light transformer tashi anenzüka orr light mali anogo aika nübortem timtem tia nung alitsüsa kümogo. Atangji, tesem ajaklen Nagaland State Disaster Management Authority ((NSDMA) ajanga district shia nung District Disaster Management Authority purtem dang nübortem timtem lendong nungi kümzüksü asoshi nüngdak ajak renemer mita atatsü metetdakja lir aser tang lendong atalokba tesemtem nunga akok tashi Disaster Management Authority nung alirtemi lendong nung aliba nübortem den yaritepdagi. Iba ama timtem lendong ajuruba tensa mapangtem nungi asenok tarutsü asoshi tangazüksü aika lir. Tsüngremi asenok kanga meimba agi asen lima nungbo asenoki metizüktettsüsa, tang tashibo, menoknok, tzümetsüng aser yipru mopong tesashi aitba lendongtem mataloker, anungji asenoki tebang agi alima lendongtem nungi jenbua alitsü indang jembiaka, temulung nungbo kanga süoki iabo bilema malitsü südi. Ibaji asenok kisü jensüba yimya nunga meteter, kechiyong asenok ki aika tanga lima nung ama menoknok tulu anak nungbo, iba tashijibo metizüktettsüsa yanglua lir. Ano, asenoki asen lima nungbo tzümetsüng kodanga marutsü amai bilemer, iba jagi asenoki motzü aoba lenmang sadema lapoka ayutsüba indang ya nüngdaka mebilemer. Ibayongji, asen lima tesem aika nung tzünglu khen aru majung motzü taodak maka nungdener aser ayonglanglena tzü sadema molutet süng aser long aik nokdanga yur, tzü meyipa atuba agi asenok asoshi tzümetsüng kümer timatemer. Asenoki itemji ataloktsü yimdangi arua shisabolua bilem asübo, asenoki kilentzü nembanga yur, iba madakji ki meyanglutsü aser ayong nung janaona meidoktsü. Aji oda, asenoki menoknok anakba mapang ki chirepa nisung asüama aser yiruyipong ajurutsüba indang shisabolua bilem nungbo, asenoki ki tulu talang mashimashi meyanglutsü. Itemji bilemdanga, tang ama asenoki tzümetsüng aser anentsü aluba lendong atalokbatem ajangshi dang ya, government-ia alima lendongtsüdong mataloktsü asoshi nübortem nem tangatetba maneni agütsütsüla aser lendong-tsüdong atalokba mapang jet ta nübortem nüngdak nung yariteptettsüsa nüngdak osettsüset shitak akatsüla. Aji oda, nübortem asoshi nüngdak mapatem inyakdang, tatishitsü agi power department purtemi light yindong azünga aodang aser transformer amenokdang mashiibo melaotsüsa aser meraksatsüsa akangasünga inyaktsübaji kanga tongtibang lir. Kasaji, PWD department purtemi nübortem jajatsüba lenmang yangludang, tzünglu aruaka mashiibo anentzü malutsüsa aser motzü lenmang tiyong nung ayimba agi leman meraksatsüsa lenmang yangluba mapaji, sen ngura ojang ta masü, züngzünga inyaktsüla. Ashiko, asen lima ama nungbo alima lendong nung amshitsü lemzüka senotsü dena agizüka benjong nung amshitsüa akok, kechiyong asenok dak ochia mali aser tarutsü nung asen dak ataloktsüba lendong indanga shisabolua mali. Aji oda, alima lendong yabo shiba kong alidang ataloktsüar memetet, anungji asen alidak asen ki kisüng akangasünga yanglur aliba agi asen mekümzüktettsü, ibaji meteta tular tilar na pronglai alima lendong nungi kümzüka alitsü bilema inyaktsüla aser alima lendong atalokba mapanga teyarir asütsüsa pei dak tangatetba tajung alitsüla.

OLEMSABANG

Kima nung Atsü ayimba

Source : Nokinketer

(Yashi adok nungi...)

TSÜNÜTSÜ ATEMA ASAMEYANGBA TELEMSA

- * Kibong nung nütsünyongsük 5-6 alirtem atema aonsotsü peria tsünütettsü asoshi ali tasazükji 200 m-2 bo asütsüla.
- * Tsünütsü yokdangji jajatsü tesem, nala, küm aika aliba tsünütsü, teti asoshi ayutsü osettem, item jungjunga asameyanger tsünütsüla.
- * Ali koba tashi wapet iba nung ajemdaker ali tasazükji adoktsü.
- * Kima atsü nung tsünütsü atema tsünüsembongtsüji tsüngküm mongpu, taliba tesem, ali kobadaka lir, ali temo koba tashi lir, pei-i kechi sapur aser kidang alirtemi kechi sapur iba nung ajemdaker tsünütsüji shima yoktsüla.
- * Aonsotsü prokdang tatongi tsünütsüla.
- * Aonsotsü/süngolemba tsünütsü atema ali tasazük tera dang nüngdakbatemji, jebi tila (lettuce), putina (mint) aser Tania (coriander) itemya lir, iba tsünütsütem ya atsü tatemlen kinük nung lenmang anasa aser tzü lenmang alilenji tsünütsüla.
- * Aonsotsü tsünütsü atema ali tasazük aika nüngdakbatemji, alo, peyas/lasüng, azüngken, loli nunger yamala, item aintsü atema tesem peria toktsütsüla.
- * Temokong mapang tsünüba aonsotsü radish, carrot, turnip, yamala. Koba tazü lon yanglutsü atema amshir itemji atsü tsünglanglenji maneni tsünütsüla.
- * Metong talang adangba aonsotsü poka, lao amala, loli (French bean) item aonsotsü ya meyi mapang tsünür. Aser motorji mongpu mapang atsü atsüa aliba züng temeket tesem nungji artsü anasa tsünütsüla ajitasüra parnok züa oa sademsadema adangtsü
- * Anü tesangwa kobalen nungi yaloktsür kanga junga metetsüla, aonsotsü süngdong talang akümbaji teti aonsotsü koba tedong tatsü lir iba sülenji tsünütsüla, ajida asü nungdang anü tesangwaji parnok ajak kesasa agitsü akoker.
- * Talanglang aliba aonsotsü asang amala koba teti alir (asparagus), squash (cho-cho)yamala. Item amala aonsotsüji teti atsü tezülen tsünüang ajida süra item tsünütsü jaki ali nunger meraksatsütsü aser tsünütsü memokbangtsü .
- * Aonsotsü melentepa yokang, tejang achiba aonsotsü(Leguminous vegetables) azüngken, motor amalaji ali nung temo teyari agütsütsü atema melentepa tsünütsüla.
- * Teti shia aonsotsü ongzükbën achitsü atema, mapang tatsüka tsüngda nung chitetba aonsotsütemji ka mechimadang ano ka atemtsüla.
- * Atsü tsünglanglenji teti mesanga aoba aonsotsütem tsünütsüla aser lenmang kinük lenji pingana, tu achiba aonsotsütem tsünütsüla.
- * Yakta achiba aonsotsütemji tesem ka nung dang tsünütsüla, ajida süra ano menur atemba tsünütsü yoktsü atema tesem sadema angutsü.
- * Aonsotsü kobi (cabbage), sünger likok (brinjal), cauliflower, broccoli amala koba aintsü atema mapang talang ka agir, item teyongtsü nungji kara ainba aonsotsü tania (coriander) radish, spinach, lettuce amala, item aonsotsütem tsünütsüla.
- * Kima atsü nung tsünütsü atema kara kara ainba aonsotsü aser jenjang tasak masüba aonsotsütem yoktsüla.
- * Ali mool mozü maden yanglutsü atema kima atsü tezülenji ongken ka toa yur idakji joka nungi adokba janatem/aonsotsü tamajungtem aser tu tera tashitem bendena yur ali mool kümdaktsütsüla. Iba yagi kima atsü nung tsünüsembongtsü atema mool agütsür.
- * Mesen aser tashitak azüoktsü atema amshiba mozü alu nung meyok tsüngda tamasa kima tsünüa aliba tsünütsü nungji tendanger.
- * Peroka amshibatsünüsembongtsü tapu aika palinga amshitsü atema iba ya amshir.
- * Tezü züa aoba süngjangtem entsülashi (passion fruits) amala atsü atsüa alidakji züdaktsür.
- * Lung o lung na tsüngda aser lung aranga atsü atsüa aliba nungji aonsotsü tu tila tem (gynura), kopi (cabbages) amala nunger tsünütsü akok.
- * Kima atsü atema tsükchir tulutibaji ak aser an temya lir.
- * Northern Konyak Nagaland kima atsü ayimba indang nung tanü asüng shisadangba nung aonsotsütem tapu 120 dak tema kima atsü tulu nung aika anguba bushitet. Kohima aser Mon jila nung aliba shishilembaba tesem ladangba mapang aonsotsü ayokbaji 40bo kima atsü nungi züsentetba lir ta bushitet. Anema alibaji rongsen asünung chiyungtsü tajung Chiang aser anema liang.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

United Christian Forum-i Union Minister Kiren Rijiju ajuru



July 21, 2026 nü New Delhi nung United Christian Forum (UCF) otongdar, Toko Teki-i Union Minister for Minority Affairs & Parliamentary Affairs, Kiren Rijiju ajurua senden amendang tangokba noksa nung angur.

July 22, 2026: July 21 nü United Christian Forum (UCF) Northeast Region otongdar, Toko Teki-i Union Minister for Minority Affairs & Parliamentary Affairs, Kiren Rijiju ajurua senden amendang Foreign Contribution (Regulation) Amendment Bill, 2026 dak sendakba temepishiba shidi ka agütsü.

Senden amendang Teki-i FCRA Amendment Bill atema United Christian Forum (UCF)-i tebilemtsü akaba onük aika lemsatop.

Teki-isa Union Minister dang Parliament nung iba Bill benoka magizükdang melungtet teloktem, Khristan shisaliok rejutem aser yimsü dak sendakba rejutem tebilemba onüktem tama angadangtsüla, ta mepishi.

July 20 nüa Teki-i shidi ka ajanga Northeast nungi MP tem dang FCRA atema telok ajak den jembitsüla aser Parliament nunga tiyongtsüi ia jembitsüla, ta mepishia liasü.

Pai shidi ajanga MP tem dang "ozüing kübok aliba sensotem temeden nokdangtsüsa benokba ozüing tesashi ya nokdangtsüla," ta mepishi.

United Christian Fellowship-i, Foreign Contributions ozüing (FCRA) yanglushitsüji nüngdak, ajisüaka ibaji lokti tentettem aser melungtet teloktem atema tetsükdaktsü mesüdaktsütsüla, ta metetdaktsü.

UCF-isa, iba Bill ya Parliament nung magizükdang tamasa Parliamentary Standing Committee ka nem agütsütsüla, ta metetdaktsü.

UCF-i, akhidang nungi India nung yimsü dak sendakba organisation balalai sensakertem nem shisaliok aser healthcare agütsüba den külemi temeim mapa jenti inyaka arur, ta ashi.

FCRA amendment ozüingji iba nungji ajemdaker asütsüla, ta UCF-i metetdaktsü.

Iba Bill ya taküm March 25 nü Lok Sabha nung Minister of State for Home Nityanand Rai-

i benoka liasü. Iba bill mezüing benokdang Rai-i, Amendment bill ya bendanglen nungi teyari agütsüba senotsü ajak teladak süa amshitsü atema lir, ta metetdakja liasü.

Foreign Contribution (Regulation) Act ya 2010 küm benoka liasü; iba sülen 2016, 2018 aser 2020 kümtem nunga iba ozüing yanglushiogo.

Taküm July ita tomlen tashi nung melungtet telok 14,449 lir, melungtet telok 22,498 indang license thinentsüogo aser melungtet telok 15,212 license 'expire' asütsüsa lir.

New Delhi nung amenoka aliba United Christian Forum yagi 2015 küm January 19 nungi sensotem ochi temeden atema inyaka arur.

Taküm March ita nung iba Bill benokba sülen yimtenren party tem aser lokti tentettemi dang masü saka Catholic Arogoia iba Bill anema ola adoka liasü.

Catholic Arogoi, iba Bill ajanga sorkari minorities indang rejutem aser melungtet teloktem madak tashi amshitsü, ta metetdaktsü.

Iba bill tasenba ya ajanga FCRA registration thinenja aliba rejutem aser melungtet teloktem indang kiojentem madak ketdangser ka nem tashi agütsütsü. Iba sülen ketdangser jagi item kiojenji sorkar ministry kar, department mesüra agency kar nem agütsütsü mesüra ayokba sülen senotsüji Consolidated Fund of India senpong nung inoktsü ta arendaker.

Catholic Bishops' Conference of India (CBCI)-ia sangdong ka ajanga, iba bill nung lendong keta lir, ketdangsertemi temeden balala madak inyaktsü nükjidong nung iba bill ya licence renewal tenüing atemer benoker, ta metetdakja liasü.

All India Christian Council-ia, iba bill ya Dalit nungertem, tribal nisungtem aser sensakertem tenzüksü atema Khristantemi amenokba rejutem rakzüksü asoshi lir, ta

aitsü.

All India Christian Council Tir, Archbishop Joseph D'Souza-i, "Iba tensa ya taoksatsüka lir aser iba nung ya lendong keta lir. Iba bill kübok RSS den sendaktepa aliba nisungtem nem tashi agütsütsü. Tang benokba FCRA amendment ya Khristan rejutem indang kiojen sorkari agütsü nükjidong nung benokba asalentong lir," ta metetdakja liasü.

Tang tzüngluruwa mongpu Parliament nunga Foreign Contribution (Regulation) Amendment Bill, 2026 benoktsü.

Osangtajung kentener, Brian Doerksen alima nungi pilaogo



Brian Doerksen aser pa kinüngtsü na noksa nung angur.

July 22, 2026: Canada nunger osangtajung kentener, Brian Doerksen mapang tatsüka cancer tashidak agi shiranga aruba sülen July 21 nü süogo; pa arrshi küm 60 liasü.

Alima nung tekülem aser tetushi ken mejemer tajung rongnung Doerksen densema liasü. Pai mejema atenba 'Refiner's fire', 'Come, now is the time to worship' aser 'Faithful one' ama ken aika alima tesem balala nung Khristantemi kanga sapua atener.

July 21, 2026 nü pa indang official Instagram account ajanga par kibongi pa alima nungi pilaba osang metetdaktsü aser pa atema sarasademja aruba asoshi Khristantem dang pelaba lemsatop.

"July 21 anepdang 6:45 ako

ANOGO ABEN TSÜNGREM DEN

Kar Mebilemtetter

Asenoki maneni sensaker bilemtettsüla.

Galatia 2: 10.

Tsüngrem mamanger kati tanur ka süoshi teraksa sobur tenla kidang nungi aruya alidang pai iba anepdang kechi angazük ? ta asüngdang. Tanur jagi langzü - "Tsüngrem-ji temeim lir". Pai asüngdang: "Tsüngrem temeim süra, kechiba ne nem tola aser tsüngsem tasen agütsütsü pai kar dang majungshir ?"

Mapang tatsüka tanur jagi ola madoki lir jashia langzü. "Tsüngremi kar dang shir alitsü saka amadoker alitsüa akok".

Mapang ajak nung Kibubai Pa o nung Khristantem shirnok teyari nüngdaka lir parnok yaritsü aser iba mapang tajung bushitsü aser Pa tenüing nung Pai asenok yariteptsü bilemtetdaksür. Shibaisa Tsüngrem meimer pai pei adianu meimer ta Pai bilemtetdaksür. Tzü zü marok ka danga Pa tenüing nung agütsübaji Pa dang inyakba ta Pai bilemtetdaksür. Nüngdakba pur meyarira asenok dak Tsüngrem temeim mali ta bilemtetdaksür. Asen Kibubai asenok dang Samaria nungbai tajung inyakba ashir, saka asenoki tilaka dang angazüker.

'Kari amadok' ta tanur jagi ashi. Asenoki teti bilemtetdar ma? Bilemtettsü asoshi kechi mapa agi asenok atar? Asenoki tangar dang tali meimra asenoki tali bilemtettsü. Tajung inyaktsü bilemtetbaji temeim yimya lir.

mapang tashi par kibong aser medemertem atema pa ya tesangwa sayur ka liasü. Pai tatem tashi meim," ta parnokisa metetdaktsü.

Pa asüba osang prokba sülen alima tesem balala nungi aikati pa nem tetushi agütsü.

Osangtajung kentener, Tim Hughes-i social media ajanga, "Iba osang angashia jashir. Ni tesaputiba ken 'Faithful One' ya pai züluba ken lir. Pai züluba ken aika ni kanga meimer. Ni asoshi pa ya tajungshir ka liasü. Brian, ni na kanga menungratsü, saka nai toktsüba mapa tajung mapang talangka alitsü. Tsüngremi tesünep agüjang ta sarasademtsür," ta metetdaktsü.

Osangtajung kentener, Paul Baloch-i, "Tatem salem, kü tembar. Na meimer, Brian. Iba lima nung onoki na menungratsü. Nai onok dang nenshia ashiba ama 'Kenü anogo temeli ajaki na Tsüngrem ta nangzüksü. Kenü anogo ajaki Nü matsüngdang apudaktsü," ta metetdaktsü.

Osangtajung kentener, Darlene Zschech-i, "Anepdang iba osang angashia tejashi nung saaker. Tamangtir ka! Ner kibong atema sarasademtsür," ta metetdaktsü.

Doerksen-i kinüngtsü den tanur trok toktsür pilaogo.

AO OSHI ANGAZÜKDAK:**TANÜ ANGAZÜKTSÜBA OJANG**

Tir Yimyim

Zepzep

(adj) kanga junga renemtetba (tidy)

* Lanurtem mapa ajak nung zepzep ta alitsüla.

Zoni

(n) anü, tesangwa tulu (sun, solar)

* Zoni tashi agi taküm ajak lidaktsür.

OLONG PAITEP # 7575

1						2				3
								4		
5		6				7				
8										9
								10		
				11		12				
		13								
14						15				
				16						

TIPLÉN

- O jembitsü tashi - 8
- Süngjang tapu ka - 5
- Tekanük nung enokba - 5
- Teka amtep - 5
- Tzüik asendak - 5
- Tsüngpang tema aliba - 5
- Ken atenba yimya - 5
- Asangur - 8

LANGTSÜNGLEN

- Tepok telung nung shilem ka - 7
- Tamajung aküm - 5
- Chi den külemi achiba - 3
- Meimchir alimai aruba - 3
- Laishiba nung ayong ka - 4
- Tarutsü nükla - 7
- Tamendakdak/Nükjldong - 4
- Tenük-telen mejungi aküm - 5
- Terok nungi adokba - 3
- Meimchir telemisa - 3

OLONG PAITEP # 7574 TELANGZÜBA**TIPLÉN :**

- Taa, 3. Teküm, 6. Aibelen, 7. Aut,
- Ajizük, 10. Ojala, 11. Semer,
- Sen, 15. Kioktsü, 17. Itsük,
- Kar.

LANGTSÜNGLEN :

- Tai, 2. Asensor, 3. Tanü, 4. Kua,
- Mitsüktsü, 6. Azübenshi, 8. Lah,
- Jangkok, 12. Akok, 14. Nashi,
- Sür.

NAI-A YA METETTER

Gus ta ser Tyrannosaurus rex skeleton ka yokdokba ajanga alima otsü tasen ka yangluogo. Sotheby's auction nung Gus alizüktsü atema telok 7 tsüngda bidding sütepba sülen tatem nung \$50.1 million agi yokdokogo. Iba ya "the highest price ever paid for a fossil at auction" lir.

Alima nung T. rex skeletons tulutiba aser tajungtiba angubaji Gus lir. Iba dinosaur ya South Dakota nung 2021 küm Gary "Gus" Licking ta ser cattle rancher ka indang ali nung anguba agi Gus ta tenüng jaloktsü.

Sotheby's ajanga ashiba agi iba dinosaur ya 12.5 feet tar talang aser metonglen 38 feet lir.

Tzüin ka nem Meghalaya Dy. CM Dhar tenüng jaloktsür**Jowai, July 22, 2026**

(Agencies): Meghalaya kübok West Jaintia Hills district nung Deputy Chief Minister Sniawbhalang Dhar nem tetushi agüja 'Sniawbhalang Dhar Waterfalls' ta tenüng jaloktsüogo.

Amlarem subdivision kübok Amtharonh Pdeng Thangchap

nung Deobarnü iba tzüin nem tenüng jaloktsüba sentong agia liasü. Idangji Dy. CM Dhar-isa tourism development project atema lung azünga yutsü.

Deputy Chief Minister Dhar-i Krangshuri tourist destination ketdangsüba nung ken o tem koktetba aser iba tesem renloktsü atema yaritepba atema Raid

Buam-i waterfall nem pa tenüng jaloktsütsü lemtet agi ta tayongertemi ashi.

Iba sentong nungsa Regeneration Meghalaya Project kübok afforestation maparen ka tenzükogo. Iba maparen kübok Raid Buam forest nung süngdong sapling lakh 20 atemtsü tebilemba lir.

Kuki aser Naga telungpurtem den yimjung olemteptsü meranger**Imphal, July 22, 2026**

(Agencies): Manipur state sorkari Kuki aser Naga nunger telungpur teloktem den olemteptsü meranger ta Home Minister Konthoujam Govindas Singh-i tanü ashi.

July 21, 2026 nü Mantripukhri Garrison, Headquarters Assam Rifles nung Kangleipak Communist Party-People's War Group (KCP-PWG) züngsem 46 temai adokba sentong nung Konthoujam-i iba osang lemsatop.

State sorkari telungpur teloktemi ozüng alema inyaksangshiba anentsü aser yimjung maparen nung shitem agitsü ayongzüka arudar ta pai ashi.

Iba sentong ya Manipur sorkar aser Inspector General Assam Rifles (South) külemi yaritepa ayongzüka aser KCP-PWG züngsem 46-i parnok sasa temai adok. Parnoki prangpong tajung 28 bener arua agütsüogo. "Iba ya sorkar atema kanga tepelatsü mapang ka lir kechiyong

iba telungpur telok ya sorkar den yimjung olemtep nung madener. Mepetmesü adoker telungpur telok kati züngsem teimba temai adokbaji iba ya lir. Parnoki temai adoktsü lemtetba atema tenüangsang agütsür" ta Manipur Home Minister-isa ashi.

Kuki aser Naga telungpur teloktem olemtep nung adentsü atema merangdar kechiyong yamaji asü nung dang parnok pei pei kibong den timi liyonga otettsü ta paisa shisem.

Moscow film festival nung Assamese film nem sempet agütsü**Guwahati, July 22, 2026**

(Agencies): Moscow nung International Film Festival Made by Women nung Assamese feature film Rador Pakhi (Morning Sunshine)-i Jury Special Mention - Super Mama Award nguogo.

Iba film ya Dr Bobby Sarma Baruah-i direct asü aser July July 8 nungi 12 tashi Moscow nung Festival amungdang Competition Section nung sayua liasü.

Rador Pakhi film otsü ya writer Sarmistha Pritam taküm nung ajemdaker yanglu. Assam

nung Jyoti ta ser writer ka tanur asüadang spinal muscular atrophy putetba indang sayua liasü. Iba film ajanga lai temang nung mokokmeintem koktetba aser la alizüngtem atongtsü merangba indang sayur.

"Iba ama international platform ka nung sempet anguba ya ozü telok ajunga nüma atangba mapang ka lir" ta Dr Bobby Sarma Baruah-i ashi.

"Iba sempet ya cast aser crew züngsem shia indang lir. Parnok tejangraba ajanga iba otsü taküm kümdaktsü. Nenok temeim,

sarasadem aser teti nungita yariba ajanga iba mapa koktetogo" ta laisa ashi.

Rador Pakhi ya NFDC Film Bazaar Co-Production Market nung shimba sülen benjung balala nung sayua arudar.

2024 küm Goa nung 55th International Film Festival of India (IFFI) nunga Indian Panorama section nung iba film sayua liasü.

Iba sülen Mumbai nung Third Eye Asian Film Festival, Pune International Film Festival aser Bengaluru International Film Festival 2025 nunga sayuogo.

Rador Pakhi film ya Indian Film Festival of Melbourne, International Film Festival of Thrissur, aser Mosaic International Film Festival Canada nunga sayuogo.

Iba film producer temji Basanta Kumar Baruah, Dr Bobby Sarma Baruah aser Sulakhanya Baruah nunger lir aser Sulakhanya Baruah, Kamal Lochan, Arun Nath o Bina Patangia nungeri tongti shilem agir.

**GOVERNMENT OF NAGALAND
DIRECTORATE OF TECHNICAL EDUCATION
NAGALAND : KOHIMA**

NO. DTE./ ESTT-2/ 02/ 2023-24/**Dated, Kohima the 22st July, 2026.****NOTIFICATION**

In continuation to this office Notification dated 20th July 2026, the students attending to CUET Counselling scheduled on 28th July, 2026 are informed to bring their original documents without fail.

Further, candidates who are unable to attend the said counselling can authorize (in written) a responsible person to attend the same on their behalf with the required documents (Original/Xerox copies).

**Sd/-
(Er. VIPULHOU LHOUNGU)
Director,
Technical Education, Nagaland.**

Ukraine-i US dangi drone export asütsü mulunga agizükogo

Kyiv, Chiteni/July 22 (Agencies): Pentagon indang Drone Dominance programme nung shilem agitsü atema United States dangi drone export asütsü atema Ukraine-i mulunga agizükogo, ta ken o jangja alir kati Bodhbarnü Reuters dang ashi.

Kyiv aser Washington na Ukrainian unmanned aerial vehicles atema tenangzüktepba yanglutsü asoshi sensaksema aliba mapang tang iba jenjang ya agiogo.

Russia den rara nung Ukraine indang drone tem ya kanga takok ngua amshiba sülen

linük aikati parnok indang tajangshibatem angazükner aser tendangtsü atema model tem alizükner.

Drone noklang kaka shi export asütsü atema Ukraine indang company trok nem temelaba agütsüogo, ta source yagisa shisem.

Ken o dak sendakba nung Kyiv aser Washington nati kecha telangzüba agüja mali.

Ukraine-i drone yanglutsü atema Europe aser Middle East nung linük aika den tenangzüktepba yangluatokogo. Kyiv-isa, rara mapang asünung prangbong injang aser hadir

balala bendangleni yokba nokdangner aliba terabo salatsüogo, ajisüaka bendangleni yokba osettem sorkari kanga junga asadangerang yoker.

Drone Dominance ya U.S. Department of Defense-i ayongzükba billion-dollar tetoktepba ka lir, kong attack drones tilala yangluba company temi shilem agir. Iba tetoktepba ya rara mapang ama design süa yanglur agir.

Iba tetoktepba mezüngbuba round ya Ukrainian drone giant Skyfall aser British company Skycutter nati yangluba drone kati kokogo.

Iran den sensaksemtsü US-i mulunga lir: Marco Rubio



Dubai, Chiteni/July 22 (Agencies): U.S. Secretary of State Marco Rubio-i Bodhbarnü ashiba agi, Iran nung mepetmesü adoker aliba tembangdaksütsü atema sensaksemtsü asoshi United States-i mulunga dang lir, saka Tehran-i sensaksemtsü atema süoki ia magir.

Mangatettep taliba küma aoba ajanga alima nung totzü aser gas shibelenba lenmang tongtiba ana tamshi majung kümogo.

Saudi indang crude oil bener Asia-i oya aliba rong asem Temerem tzüym nungi meyiper aoba sülen anogo ka lir Rubio-i Southeast Asian foreign ministers senden nung iba olen lemsatepa liasü. Yemen nung Iran den sendaktepa aliba Houthi-i teloki Saudi indang rongtem amaktsü ta amokmerenba sülen rong asem ya lenmang melena liasü.

Houthi, shirnoki Temerem tzüym tepang nung tükümtem aziüoka lir, parnoki Hombarnü Saudi Arabia indang rongtem parnoki aziüoka aliba tesemtem adena mesüidaksütsü atema tenokdangba agüja liasü, aser iba ajanga ano tesem tanga ka nung rara tenzükdaksütsü akok ta bilemer.

Iran-i Strait of Hormuz

ajanga rong mesenzüdaksütsü amokmerenba mapang Temerem tzüym nung iba lenmang ya Saudi indang totzü anogo nung barrel million aika belener aoba lenmang ka liasü.

Iran nung ketdangsür kati Hombarnü ashiba agi, U.S. aser Iran nati June ita tenangzüktepba yanglur aliba kümzütsü asoshi inyakteptsü atema anogo 10 rara anena atatsü asoshi ken o sensaksemtsürtemi benokba Tehran-i agizükogo.

Kasa mapang nung Iran indang Interior Minister Eskandar Momeni-i Pakistan semdanga Islamabad dang ken o bentettsü asoshi maneni inyaktsü shiogo.

Rubio-i ashiba agi, diplomacy atema Washington bendanga agütsür dang lir, saka Tehran-a kasaji bendanga agüja ali mali aji mejangja.

"Onok atema tang tebilemtsü kaji parnoki sensaksem atema süoki ia magir. Parnoki süoki ia bilemra onokia süoki ia magitsü. Parnoki magira onok aser onok den sendaktepa alirtem tejangrabatem kümzüka ayutsü asoshi jenjang agitsü," ta Rubio-i Manila nung ashi.

Paisa, Iran nem Strait of Hormuz aziüktsü atema

memelatsüla ta ashiba den, iba ajanga Southeast Asian linüktem densema alima ajunga timtemtsü, ta ashi.

"Asenoki Middle East nung linük ka nem international tzü lenmang aziüktsü atema telemtetba agidakja, iba lenmang amshiba atema taa agia aser parnok nem taah magütsüra ner rongtem poksatsüdaksüra lendong tulu asütsü, koba nenok temeket nung densema alima kübok tanga tesemtem nunga kasaji benoka inyakti ta asütsü," ta Rubio-i ashi.

Sensaksem ajanga ken o bentettsü atema kecha timla makai akümba sülen U.S. military-i Mongolbar aonung tashi nung aonung 11buba atonga Iran kübok tesem balala makogo.

Tehran nung alirtemi Bodhbar anepdang züngia lia bomb apokba ola angashiba metetdaksüogo, ta Iran indang semi-official Fars news agency-i ashi.

Iran kübok Bushehr Province nung tesem asem US-i Bodhbarnü makogo, ta ketdangsür kati Iran indang state news agency IRNA dang ashi. Iba tesem nung ya Iran indang nuclear power plant ka dang aliba ya amenoka lir, aser US-i amakba mapang plant anasa electricity post ka dena raksaogo, ta kasa sangdong ajanga metetdaksü.

Iran army-i ashiba agi, parnoki Bodhbarnü Kuwait, Jordan aser Bahrain nung drone amshia U.S. military facility tem makogo. Army-isa, parnoki Jordan kübok Al Azraq air base nung sepaitem aliba tesem aser hadir balala bendena ayuba tesem makogo, aser iba sülen Bahrain kübok Sheikh Isa Air Base nung Arash suicide drone tem amshia hadir balala bendena ayuba tesem aser aircraft maintenance hangar tem makogo, ta ashi.

(Maneni tapak 8 nung...)

Mulungnen O



ASO : 10.01.1976 - ASÜ : 11.07.2026

**"Saka kü dak Khrista taküm alir,
aser Pa dak tamang agi ni taküm alir"
Gal: 2.20.**

Onoki teti dang meima aliba **Asür Dr. R. Zülü Jamir** (Longsa), Asso. Pastor Kumlong Baptist Arogo, pa shirang tenzükba anogo nungi akümüli toktsür aoba tashi shirnokisa ozü kibong mangyim, mulung zürep tia nung alidang sarasadem nüktzü, ali rongsen, nübu aser shisatsü aria bilem agi ozü kibong mulung süneptsüogo, nenok kija kibong aser lokti balala ajak dang kangasa pelar. Ozüi lepa agütsütsü kecha maka, saka Tulusang Tsüngremi nenok mapa tajung moshia moajangma.

Maneni item lokti aser kija dang pelaba meshi melitet nung kar yamai shisemer.

1. Kumlong Baptist Arogo, Mkg.
2. ABAM Impur.
3. Mokokchung Town aser temeket nung aliba Ao Arogotem ajak.
4. Dimapur Ao Baptist Arogo aser Dimapur Area Ao Arogotem ajak.
5. Kohima Ao Baptist Arogo.
6. Zion Hospital Dimapur Doctors, Nurses & Staffs.
7. Aoli Baptist Arogotem ajak.
8. Longsa Baptist Arogo, Fellowship aser Longsa Laishir Telongjem.
9. Waromung Baptist Arogo aser Fellowship.
10. Ongpangkong Arogo tenzüker Telongjem.
11. Ao Baptist Pastors' Fellowship.
12. Mokokchung Town Ao Baptist Pastor' Fellowship.
13. Assam Valley Baptist Association.
14. Nakachari Ao Baptist Church.
15. Chakhesang Baptist Church, Mkg.
16. Jorhat Ao Baptist Arogo.
17. Kiphiri Town Ao Baptist Arogo.
18. Pfutsero Ao Baptist Arogo.
19. Union Baptist Fellowship, FAC Campus.
20. Sangtam Baptist Church, Mkg.
21. Lotha Baptist Ekhümkho Mkg.
22. Clark Theological College, Aolijen.
23. Baptist Theological Association Alumni Association.
24. Kumlong aser Mongsenbai Ward Yimden.
25. Longsa Senso Telongjem Mkg, Dimapur, Chumokedima aser Kohima.
26. Longsa Senso Zünga.
27. Mongka Semchir Telongjem.
28. Ao Senden.
29. Jubilee Memorial School.
30. Eden Academy.
31. GMS & SMC Artang Ward Mkg.
32. GPS Mongsenbai ward Mkg.
33. People's College Mokokchung.
34. IDBI Bank. Mkg.
35. Detox Campers, Kumlong Baptist Arogo.
36. The Modern Box and Imkongsen Photography.
37. Mr & Mrs. Metsübo Jamir, Minister RD and SIRD.
38. Shri. S. Supongmeren Jamir, MP Lok Sabha.
39. Mr & Mrs. Imkongmar, Advisor, Minority Affairs & Sericulture, Nagaland.
40. Mr & Mrs. Boheto Choppy, Model Colony, Purana Bazar, Dimapur.

Iba den ano yangi onoki mayimjemba kar danga lira yimlibilema ozü tashi mait asoshi anganemtsü mepishir.

**~ Temeim Kinungtsü, Jala jabaso,
Tsürabur aser kinungertem.**

Mexico goalkeeper Guillermo Ochoa asaya nungi anisüngzüker



Chiteni/July 22, 2026

(Agencies): Guillermo Ochoa, shiba Mexico nunger goalkeeper tem rongnung tajungtiba ta züingshir, pa küm 22 asayaba sülen professional football asaya nungi anisüngzüker sangdongogo.

Ochoa, shiba taoba hopta arishi küm 41 junga liasü, pai taoba mapang 2026 FIFA World Cup ya pa asoshi tatembangbuba asayamung asütsü ta shir liasü, ajisüaka pai pa asayaba club den tenangzüktepba tasen yanglushitsü akok ta jembia aruogo.

Ajisüaka pai Mongolbarnü iba olulu osang ya jangjashitsüogo.

"Ni takokba tashi ground nung club tem aser national team atema bendanga agüja asayaogo, aser tanü asaya nungi anisüngzüker," ta Ochoa-i social media ajanga metetdaksü.

Ochoa ya Mexico team nungi World Cup trok nung asayaogo. Pa den Cristiano Ronaldo aser Lionel Messi nati dang World Cup trok asayar lir. Pa Brazil 2014, Russia 2018 aser Qatar 2022 nung asayaba mapang Mexico indang starting goalkeeper liasü.

Ochoa ya top-flight nung mezüngbuba 2004 küm February ita Mexico City indang Club America nungi asaya liasü. Pa iba club nungi season tenet asaya aser iba sülen 2011 küm French club Ajaccio nung oa dena pa ya Mexico nung asoba Mexico nunger goalkeeper rongnungi Europe nung oa asayaba mezüngbuba asayar aküm.

Maneni pa Europe nung Malaga, Granada, Standard Liege, Salernitana, AVS Futebol aser AEL Limassol nungi asaya aser 2019 küm Club America-i meyipa ao.

2026 World Cup nung pa backup goal keeper ang liasü, saka manager Javier Aguirre-i Czechia den asayaba mapang minute 13 asaydakja liasü.

Club jenjang nung Ochoa-i Club America nungi asayaba mapang league title ka aben aser Standard Liege nungi asayaba mapang Belgian Cup koka liasü. International jenjang nung pai CONCACAF Gold Cup titles trok benogo aser Tokyo 2020 Olympics nung bronze medal ngua liasü.

Chelsea-i pound million 117 agi Morgan Rogers alizükogo

Chiteni/July 22, 2026

(Agencies): Chelsea-i England nunger midfielder Morgan Rogers pound million 117 agi Aston Villa nungi alizükogo, koba British nunger asayar ka sen tasaktiba agi alizükba asütsü.

"Arishi küm 23 tain forward yagi 2033 küm tashi tenangzüktepba ka yangluogo," ta London club yagi parnok indang website ajanga metetdaksü.

Rogers World Cup atema North America-i aoba meyipa aruba sülen Hombarnü temang tendangogo.

"Ni kanga pelar. Kü atemabo Chelsea ya London nung club tulutiba rongnung ka lir, aser ni lanuwa nungi

nükshia aruogo," ta Rogers-i ashi.

"Manager tasenba aser asayartem den inyaksü atema ni yongya atar. Ibayongji ni idaki aru aser asayatsü matateter," ta paisa shisem.

Iba ita tetenzüklen Manchester City-i England nunger midfielder Elliot Anderson pound million 116 agi alizüka otsü tasen yanglur aliba tang Rogers alizükba agi ajatetogo.

Maneni Rogers ya Chelsea puri sen tasaktiba agi alizükba asayar kümogo. 2023 küm club-i Benfica nungi Enzo Fernandez pound million 107 agi alizükba pai ajatetogo.

Iba jenjang agiba ajanga Chelsea tebilemba sayur,

kechiyong parnok taruba season Champions League atema qualify mesüteti liaka parnok Rogers parnok den adentsü asoshi jembizüktetogo. Chelsea-i Rogers ya küm ana tashi asadanga aruogo aser Arsenal den toktepba sülen tang pa alizüktetogo.

Roger-i club toktsüba ya Villa manager Unai Emery asoshi ano tetsükdaksü ka asütsü, kechiyong Youri Tielemans-a Manchester United-i ogo aser Lucas Digne-a Paris Saint-Germain-i aotsü imlar.

Rogers 2024 küm Villa nung adenba mapang sell-on clause ka mulungteper aliba ajanga transfer fee shilem 20 bo Middlesbrough dangi aotsü.

India den T20 asayamung atema Zimbabwe squad sangdongogo

Chiteni/July 22, 2026

(Agencies): India den taruba T20I asayamung atema Zimbabwe-i asayar 15 shimba sangdongogo. Wicketkeeper-batter Tafadzwa Tsiga T20 nung tang mezüngbuba linük tenüng nungi asayatsü lir.

All-rounder Wessly Madhevere aser fast bowler Newman Nyamhuri nata Clive Madande, Tinotenda Maposa aser Tashinga Musekiwa nunger melena squad nung züngoksemogo. Asayatem ya Harare nung July 23, 25 aser 26 nü asayatsü.

Tsiga, shiba Zimbabwe tenüng nungi Test 10 nungbo

asayatokogo, pa tang white-ball asayamung ka nung mezüngbuba asayatsü lir. Madhevere-a 2025 küm July sülen tang mezüngbuba T20I team nungi asayatsü lir. Pa Bangladesh den Test aser ODI asayamung nungbo asayaogo.

Kasa mapang nung Nyamhuri yiruba ajanga Bangladesh den ODI bo masayatet saka tang squad nung züngoksemogo, aser Tanaka Chivanga-a maneni shimogo.

Sikandar Raza lenisüba nung Zimbabwe team maneni asayatsü. Pa lenisüba nung Zimbabwe team-i Bangladesh den Test asaya akok aser ODI

asayamunga 2-1 agi kokogo. Ajisüaka T20I asayamung bo 2-1 agi makok.

India aser Zimbabwe na tatemsa T20 World Cup Super Eight stage nung asayaogo, koba India-i run 72 agi koka liasü.

Zimbabwe squad: Sikandar Raza (captain), Brian Bennett, Ryan Burl, Tanaka Chivanga, Ben Curran, Brad Evans, Wessly Madhevere, Tadiwanashe Marumani (wk), Wellington Masakadza, Blessing Muzarabani, Dion Myers, Richard Ngarava, Newman Nyamhuri, Milton Shumba, Tafadzwa Tsiga (wk).

ICC ODI rankings: Joe Root top 10-i iogo



Chiteni/July 22, 2026

(Agencies): India den ODI asayamung 2-1 agi England-i akokba sülen ICC Men's ODI Batting Rankings nung asayar tejen Joe Root top 10-i iogo. Pai iba asayamung nung kanga junga asaya-a asaya asemprongla nung out mesüi asaya liasü.

Root shiba nem Player of the Series naroküm agüja liasü, pai asaya asem nung out mesüi run 76, 99 aser 74 yanglua England team-i asayamung akokba nung teyari agütsü. 2018 küm sülen parnok tang mezüngbuba India koka liasü.

Asayamung tepeyong kanga junga asayaba sülen pa jenjang te tejakdangi tua 2020 küm sülen tang mezüngbuba ICC rankings nung top 10-i iogo.

England opener Ben Duckett-i tasembuba asaya nung run 141 yangluba sülen pa-a jenjang junga kümogo. Pa jenjang 11 tejakdangi tua tang 19buba nung lir.

Kasa mapang nung India

nunger asayar Rohit, Gill aser Kohli nunger ajak top 5 nung lir.

India-i iba asayamung mekokaka India nunger batter tem aikati junga asaya-a rankings nung parnok jenjang junga kümogo.

Lord nung tasembuba ODI asayaba mapang run 138 yangluba sülen Rohit Sharma-i rating points teku agi dang Virat Kohli memenepi lir. Rohit ODI batting rankings nung maneni pezübuba nung lir aser Kohli tasembuba nung lir.

India captain Shubman Gill tanabuba jenjang nung lir aser pai temaba jenjang nung aliba New Zealand nunger asayar Daryl Mitchell rating point ka agi dang memenepi lir, shibai rating points 802 ngua lir.

Middle-order batter Shreyas Iyer-a jenjang ana tejakdangi tua tang 13buba nung lir. Pai tanabuba ODI asaya nung run 66 yanglua liasü.

England aser India na mezüngbuba ODI ya Edgbaston, Birmingham nung asaya koba India-i wicket trok agi koka liasü. Iba sülen tanabuba ODI ya Sophia Gardens, Cardiff nung asaya. Iba asaya yabo England-i wicket pezü agi akok.

Tasembuba ODI ya Lord's, London nung asaya. Asaya nung England-i run 388 yanglu koba India team-i run 27 agi memenepi asaya makok.

BENDANGLI OSANG : Tapak 7 nungi...

Iran den sensaksemtsü US-i mulunga...

U.S. tir Donald Trump-i, rara nung tang tashi nung US nunger sepai 18 süogo ta metetdaksü. Asürtem rongnung taoba anogo ishika tsüngda Jordan aser Iraq na nung U.S. military base tem amakba mapang sepai pezü asüba densema lir.

Maneni Bodhbarnü Asia nung totzü jenjang taliba kümogo. Houthi puri amokmerenba sülen Mongolbarnüa totzü jenjang shilem 2 dak tema ajungketa liasü. Tang Brent crude ya barrel nung USD 91 aser U.S. gasoline gallon nung USD 4 jungogo.

Mongolbarnü Houthi teloki rong company tem dangi Saudi indang totzü abenba aser belenzüka toktsüba rongtem ajak amaktsü ta shia shiti yokogo.

Trump-i ashiba agi, Houthi teloki Bab el-Mandeb tang tashibo meshibangi lir ta shiogo, aser parnok iba tzü

lenmang shibangra parnok anema jenjang agitsü ta amokmerenogo.

Saudi idang totzü bener rong asem China aser India-i oya aliba Mongolbarnü Temerem tzyüim nungi meyipa Suez Canal leni oa liasü.

Rara tepeyong Saudi-i pipe ajanga totzü belena temerem tzyüim nungi tanga linüki bener yoka liasü. Ajisüaka Houthi puri tang iba lenmang shibangba ajanga alima ajunga nung totzü supply nung tetsükdaksü adoktsü, kechiyong Saudi indang totzü timba belener motettsü.

Maneni Mongolbarnü Trump-i Natanz nung Iran indang nuclear facility tem tanaben amaktsü ta amokmerenogo.

US-i asendenshir Iran amak tenzükba sülen civilian 50 süogo aser nisung 500 yiruogo, ta health ministry ketdangsür kati ashi.

BILEMDANGANG

"Tenüngsang agi sünga aliba mulung pela alir."